

## SOALAN-SOALAN LAZIM (FAQs)

### AKAUN PELABURAN BERJANGKA HONG LEONG-i (HLTIA-i)

1. Apakah itu HLTIA-i?  
HLTIA-i ialah akaun pelaburan berjangka berdasarkan kontrak perkongsian keuntungan (*Mudarabah*). *Mudarabah* ialah kontrak di antara Pemegang Akaun Pelaburan (IAH) sebagai pemberi modal (*Rabbul Mal*) dan Hong Leong Islamic Bank Berhad (HLISB) sebagai pengurus pelaburan / pengusaha (*Mudarib*).
2. Apakah kelebihan melabur dalam HLTIA-i?  
Matlamat HLTIA-i adalah untuk memberikan pulangan yang stabil dan konsisten mengikut jarak masa pelaburan yang telah dipersetujui melalui aktiviti pelaburan yang berisiko rendah atau sederhana yang disasarkan untuk memberikan pulangan yang lebih tinggi daripada akaun berjangka deposit biasa..
3. Apakah tempoh pelaburan yang ditawarkan untuk HLTIA-i?  
Tempoh pelaburan yang ditawarkan ialah 3 atau 6 bulan.
4. Adakah produk HLTIA-i patuh Syariah?  
Ya, produk HLTIA-i adalah patuh Syariah. HLTIA-i yang ditawarkan oleh HLISB adalah tertakluk kepada Akta Perkhidmatan Kewangan Islam 2013 (IFSA), yang mensyaratkan Perbankan Islam supaya memastikan produk yang ditawarkan adalah patuh Syariah, di bawah pengawasan Jawatankuasa Syariah (SC) HLISB dan Bank Negara Malaysia (BNM). Produk HLTIA-i kami telah diluluskan oleh HLISB SC dan BNM.
5. Adakah selamat untuk melabur dalam HLTIA-i?  
Dana yang diterima daripada IAH akan dilaburkan dalam aktiviti pelaburan yang berisiko rendah dan/atau sederhana.
6. Bagaimanakah dana tersebut akan dilaburkan?  
Dana tersebut akan dilaburkan dalam aset pembiayaan patuh Syariah yang terpilih dan berkualiti dan dalam parameter risiko yang telah dinyatakan dalam Objektif Pulangan Helaian Pendedahan Produk (PDS).
7. Adakah HLTIA-i mempunyai tahap maksima pelaburan?  
Tiada.
8. Adakah HLTIA-i mempunyai tahap minimum pelaburan?  
Ya, RM 500 (Ringgit Malaysia Lima Ratus). Bolehkah saya melabur kurang daripada tahap minimum pelaburan?  
Tidak.
9. Adakah HLTIA-i boleh diperbaharui secara automatik?  
Terdapat dua pilihan yang boleh dipilih oleh IAH untuk melabur dalam HLTIA-i;

- Pembaharuan secara automatik:
    - Modal sahaja (P) – Keuntungan akan dikreditkan ke dalam Akaun Semasa-i / Akaun Simpanan-i (CASA-i) atau Akaun Semasa / Akaun Simpanan (CASA) milik IAH; atau
    - Modal berserta keuntungan
  - Tanpa Pembaharuan secara automatik – pelaburan akan matang pada tarikh Tempoh Matang yang ditetapkan. Modal serta keuntungan akan dikreditkan ke akaun CASA-i (HLISB)/CASA (HLB) milik IAH.
10. Adakah HLTIA-i boleh dijadikan sebagai cagaran untuk kemudahan pembiayaan?  
Tidak.
  11. Siapakah yang akan menguruskan dana pelaburan dalam HLTIA-i?  
HLISB Shariah
  12. Siapakah yang disasarkan untuk pasaran HLTIA-i?  
Pelanggan individu, dan/atau pemegang e-Fixed Deposit (eFD).
  13. Siapakah yang berkelayakan untuk melanggan HLTIA-i?  
Individu yang berumur 18 tahun dan ke atas, dan pemilik perniagaan tunggal.
  14. Bolehkah saya memberi arahan kepada HLISB berkenaan pengendalian pelaburan?  
Tidak. HLTIA-i diklasifikasikan di bawah Akaun Pelaburan Tidak Terhad(*unrestricted account* atau UA) . Oleh itu,IAH tidak boleh memberi arahan atau mandat kepada HLISB berkenaan pengendalian pelaburan.
  15. Bagaimanakah saya boleh melabur dalam HLTIA-i?  
Anda haruslah mempunyai CASA-i (HLISB) / CASA (HLBB) terlebih dahulu dan akses kepada Hong Leong Connect melalui <https://s.hongleongconnect.my>. Pelaburan hanya boleh dibuat secara dalam talian (*online*) melalui Hong Leong Connect.
  16. Adakah HLTIA-i sepenuhnya secara digital?  
Ya. Semua urusan perniagaan berkaitan dengan HLTIA-i termasuk langganan dana, pengeluaran dana dan lain-lain hanya boleh dilakukan secara dalam talian (*online*) melalui Hong Leong Connect.
  17. Apakah pelayar yang boleh menyokong pautan Hong Leong Connect?  
Semua pelayar mempunyai akses kepada platform ini, contohnya Explorer, Mozilla Firefox, Google Chrome, Safari dll. Platform ini direka sesuai untuk diakses oleh semua pelayar.
  18. Adakah Hong Leong Connect mengenakan sebarang kos untuk mendaftar?  
Tidak.
  19. Bagaimanakah HLTIA-i berfungsi?

HLTIA-i ialah produk berasaskan kontrak Syariah yang dinamakan sebagai *Mudarabah* (perkongsiian keuntungan), di mana keuntungan akan dikongsi di antara IAH dan HLISB berdasarkan Nisbah Perkongsiian Untung (PSR) yang dipersetujui oleh kedua belah pihak. HLISB akan berusaha sebaik mungkin untuk melaburkan dana tersebut dalam aset pembiayaan patuh Syariah yang terpilih dan berkualiti. Sekiranya berlaku kerugian, IAH akan menanggung kerugian tersebut kecuali jika kerugian tersebut terjadi atas sebab salah laku, kecuaiian, atau keingkaran oleh HLISB.

20. Adakah terdapat sebarang fi dan caj yang dikenakan oleh HLTIA-i?  
Tiada.
21. Adakah pengeluaran pramatang dibenarkan?  
Kami tidak menggalakkan sebarang pengeluaran pramatang kerana HLTIA-i ialah pelaburan yang bertujuan untuk menjana pendapatan yang stabil dan bertempoh. Walaubagaimanapun, pengeluaran pramatang adalah dibenarkan, tetapi tiada keuntungan (jika ada) akan dibayar kepada Pelabur..
22. Bagaimanakah IAH akan menerima keuntungan?  
Pembayaran keuntungan akan dikreditkan ke dalam CASA-i (HLISB) atau CASA (HLBB) milik IAH.
23. Bilakah IAH akan mendapat keuntungan tersebut?  
Keuntungan yang dijana akan dikreditkan apabila sampai tempoh matang bergantung kepada tempoh pelaburan yang dilanggan.
24. Adakah HLTIA-i mempunyai kadar pulangan pelaburan yang telah diselaraskan?  
Tiada, kerana kadar pulangan untuk pelaburan melalui HLTIA-i tertakluk kepada perubahanberdasarkan kepada tahap risiko dan prestasi setiap aset-aset sandaran HLISB.
25. Siapakah yang mempunyai akses ke atas HLTIA-i milik saya?  
HLISB.
26. Adakah pengeluaran sebahagian daripada dana yang dilaburkan dibenarkan?  
Tidak.
27. Adakah HLTIA-i membenarkan akaun bersama?  
Tidak.
28. Adakah terdapat kemungkinan bahawa keuntungan tidak dapat dijana di bawah HLTIA-i?  
Ya. Ia mungkin disebabkan oleh perbagai faktor seperti kegagalan seluruh pasaran, atau kegawatan ekonomi, atau terjadinya *force majeure* (seperti peperangan, bencana alam dan seumpamanya).
29. Apakah yang akan terjadi sekiranya pelaburan tersebut menanggung kerugian?  
Berdasarkan prinsip *Mudharabah*, sekiranya pelaburan tersebut menanggung sebarang kerugian, jumlah kerugian tersebut haruslah ditanggung oleh IAH melainkan

kerugian tersebut adalah disebabkan oleh salah laku, kecuaiian atau pelanggaran terma tertentu oleh pihak HLISB.

30. Bagaimanakah caranya untuk IAH menutup HLTIA-i?  
Penutupan HLTIA-i boleh dilakukan melalui Hong Leong Connect.
31. Adakah IAH akan memperolehi penyata akaun untuk HLTIA-i?  
Ya. Penyata akaun dalam talian akan disediakan melalui Hong Leong Connect pada setiap minggu pertama setiap bulan.
32. Kenapa saya perlu menjalani Penilaian Kesesuaian Pelabur (*Investor Suitability Assessment* atau ISA)?  
Di bawah HLTIA-i, IAH dengan citarasa risiko yang berbeza mempunyai pilihan untuk melaburkan lebih dananya untuk memperolehi pulangan yang berpotensi tinggi daripada pelaburannya. Jadi, ISA digunakan untuk mengukur profil/citarasa risiko IAH.

HLISB mempunyai tanggungjawab fidusiari untuk mengingatkan kepada Pelabur sekiranya pelaburan tersebut tidak bersesuaian dengan profil risikonya. Ini bagi memastikan bahawa Pelabur tersebut telah dimaklumkan berkenaan risiko-risiko yang terlibat dalam mencapai keputusan pelaburan yang tertentu. Oleh itu, penilaian ini berperanan sebagai sekat danimbangan (*check and balance*) untuk HLISB dalam melindungi pelabur daripada melabur menjangkau profil risiko mereka.

33. Bagaimanakah Penilaian Kesesuaian Pelabur (ISA) ini akan membantu pelabur dalam membuat keputusan pelaburan?  
Penilaian Kesesuaian Pelabur (ISA) akan menilai Pelabur dalam tiga bidang utama iaitu:
- Kemampuan kewangan;
  - Keperluan dan citarasa pelaburan; dan
  - Pengalaman dan ilmu pelaburan.

Penilaian ini bertujuan memberikan pandangan yang paling tepat mengenai profil risiko pelabur. Walaubagaimanapun, ketepatan penilaian ini dipengaruhi oleh ketulenan jawapan Pelabur dalam memberikan respon kepada soalan yang diajukan kepada mereka.

34. Adakah HLTIA-i dilindungi di bawah Perbadanan Insurans Deposit Malaysia (PIDM)?  
Tidak.